



Funtauina: ©RTR

La furmaziun stat fitg a cor a la SSR. Sia incumbensa centrala è d'intermediar dumondas complexas e grev accessiblas a moda bain chapaipla

La purschida da la SSR – ina contribuziun a la furmaziun ed a la democrazia

Era sche la gronda part da las emissiuns da radio e televisiun da la SSR na vegnan betg producidas per intents scolastics u didactics, èn ellas instructivas ed intermedieschon savida: quai vala per magazins da consuments tuttina sco per emissiuns che sa fat-schentan cun la sanadad, cun la natira, cun viadis, cun la cultura u cun l'economia.

Autras èn concepidas uschia ch'ellas pon accompagnar l'instrucziun – natiralmain cun resguardar la vegliadetgna e cun s'orientar als cuntegn d'instrucziun. Ellas sustegnan e cumpletteschan la lavur da las persunas d'instrucziun e cumprovan il potenzial considerabel da las medias en il sector d'instrucziun.

La furmaziun en Svizra

- Il sistem ed era la purschida da furmaziun svizra han ina reputaziun excellenta en tut il mund, betg il davos grazia a l'alta qualitaad reconuschida.
- La Confederaziun quinta che las spetgas ed ils basegns creschian vinavant en il sector da furmaziun.
- En Svizra na tschessa l'interess da sa scolar era betg sunter il temp da scola obligatoric u il studi. Independentamain da la vegliadetgna apprezzieschan en general tuts las pussaivladads da pudair sviluppar regularmain las atgnas competenzas ed abilitads.
- Tenor l'Uffizi federal da statistica èn las expensas da scolar ina persuna creschidas per bunamain la mesadad dapi il 1990 – e dapi l'onn 2000 creschan ellas mintg'onn per varga 2 pertschient.



Funtauina: ©SRF



Funtauina: ©RTS/Anne Kearney

Il magazin «On en parle» da RTS

Intermediar savida sco incumbensa dal service public

La SSR ed il service public audiovisual han l'incumbensa d'intermediar al pievel la savida necessaria per pudair participar al discurs democratic – gist er en il temp dals «Fake News». En pli duain ils cuntengns sensibilisar per la ritgezza e per la varietad dals munds culturals, socials e politics da la Svizra e promover la convivenza e la diversitad d'opiniuns.

Il 2016 ha la SSR investì stgars 309,7 milliuns francs en il sector da la «cultura, societad e furmaziun», quai che correspunda a 18 pertschient da sias expensas totalas. Ils cuntengns finanziads cun quests meds han importà 6 pertschient, resp. 8938 uras dal temp d'emissiun al radio e 12 pertschient, resp. 8827 uras dal temp d'emissiun en la televisiun.



Funtauina: ©RTS/Jay Louvion

Scolaras e scolars sin visita tar RTS



Funtauina: ©SRF/Oscar Alessio

Andreas Moser, moderatur da «NETZ NATUR», ina emissiuin da character furmativ

Intgins exempels

- **Radio:** Tar RTS: «CQFD», «Haute définition», «On en parle», «Histoire Vivante», «Médialogues». Tar SRF: «Kontext», «Perspektiven», «Echo der Zeit», «Doppelpunkt», «Espresso», «Ratgeber» e l'emissiun per uffants «Zambo». Tar RSI: «L'ora della terra» e «Il granaio della memoria». Tar RTR: «Forum», «Marella», «Tips, trics e tacs» e «Tavulin litterar».
- **Televisiun:** Tar RTS: «36,9°», «A Bon Entendeur», «Geopolitis», «Passe-moi les jumelles», «Specimen», «TTC» e «les docs». Tar SRF: «DOK», «Horizonte», «Einstein», «NETZ NATUR», «Kulturplatz», «Puls», «Kassensturz», «Rundschau» e «SRF Wissen my-School». Tar RSI: «Il giardino di Albert», «Il filo della storia» e «Natura viva» e tar RTR: «Cuntrasts» e «Minisguard».
- **Web:**
 - SRF www.srf.ch/wissen
 - RSI www.rsi.ch/la1/programmi/cultura/il-giardino-di-albert
 - RTS www.rts.ch/decouverte
 - SRG Timeline (ina cronica multimediala da la Svizra) www.srgssr.ch/timeline
 - Nouvo (project naziunal che producescha videos per las raits socialas en las 4 linguas naziunalas ed en engles) www.facebook.com/NouvoRM

Questas plattafurmas accessiblas libramain èn in fundus per tut quels che s'interessan per la Svizra. I vegn purschi material auditiv e filmic davart temas sco medischina, clima, energia, perscrutaziun, economia, politica, religion e sport.

- **Interacziun:** En il rom d'intginas da las emissiuns numnadas vegnan fatgas dumondas en directa al public. Uschia po mintgina e mintgin s'exprimer libramain. Plinavant pussibiliteschon hotlines e forums d'internet – che vegnan rendids accessibels intenziunadamain a persunas interessadas – da far dumondas a giasts durant u suenter in'emissiun (p.ex. ad in team da medis en l'emissiun da SRF «Puls» u ad experts en l'emissiun da RTS «On en parle»).

Bainvegna tar la SSR

La SSR va novas vias quai che riguarda l'intermediaziun da cultura ed envida il public da visitar ils studios da radio e televisiun en ils lieus da las unitads d'interpresa. Ils guides cun orientaziun pedagogica sa drizzan a classas da scola ed autras gruppas.



Funtauna: ©RSI/Loreta Daulte

Era ina emissiun d'infurmaziun sco 'Il Quotidiano' furmescha e scolescha

La SSR promova la furmaziun e la scolaziun supplementara

La SSR na promova la furmaziun betg mo via ils cuntegns dal program. Ella dat era gronda atenziun al svilup da sias collavuraturas e da ses collavurators: il 2016 ha mintga plazza cumplaina survegnì 1,9 dis da furmaziun e da scolaziun supplementara, quai che correspunda en total a 9398 dis, resp. ad investiziuns che muntan a 6 346 000 francs.

Era l'engaschi per la nova generaziun è central: en total ha la SSR tgirà il 2016 en sias unitads d'interpresa RSI, RTR, RTS, SRF e SWI 50 emprendistas ed emprendists e 80 praticantas e praticants. Supplementarmain survegnan mintg'onn circa 70 stagiaries la pussaivladad d'emprender il mastergn da schurnalista ni schurnalist.

Partenadi da promoziun cun MediaTech e «Swiss Media Initiative»

Il 2016 ha la SSR decidì da sustegnair las Scolas politechnicas federalas a Turitg (SPFT, MediaTech) e Losanna (SPFL, «Swiss Media Initiative») cun in import total da 3 milliuns francs. Cun ils daners vegnan finanziadas duas novas professuras e dus centers per tecnologia mediala. Uschia sustegna la SSR svilupps en la perscrutaziun ed en la pratica, quai che na vegn betg mo dabun al public, mabain a la cuntrada mediala svizra en general.



Funtauna: ©RSI/Loreta Daulte

Tuttas unitads d'interpresa porschan a giuven e vegl turas en ils studios

Da l'autra vart porschan novas tecnicas er innovaziuns interessantas quai che riguarda ils formats e la preparaziun ed elavuraziun d'infurmaziuns e d'auters cuntegns. Quests partenadis da promozion vesa la SSR sco engaschament per il futur, per correspunder anc meglier a las spetgas ed als basegns dal public.

La SSR focusescha la collavuraziun

La SSR rinforza la furmaziun en Svizra era cun collavurar cun numerusas instituziuns e differents partenaris da medias. Intgins exempels concrets:

- Académie du journalisme et des médias de l'Université de Neuchâtel (AJM)
- Association des professionnels de la formation des radios et télévisions d'expression française (FORTEF)
- MAZ – Center da scolaziun da medias, Lucerna
- Fondation du Centre de Formation au Journalisme et aux Médias (CFJM)
- Fundaziun svizra per la furmaziun cun meds audiovisuels (FSFA)
- Fundaziun da furmaziun supplementara per il kino e per meds audiovisuels (FOCAL)
- Societad svizra per las scienzas da la comunicaziun e dals meds da massa (SSCM)
- SPFT e SPFL
- Universitads svizras (punctualmain, orientà a projects)
- Associaziun da promozion da l'Institut per las scienzas da la comunicaziun e dals meds da massa da l'Universitad da Berna (FKMB)
- Posts chantunals en il sector da l'educaziun publica
- Festival da films didactics a Berna ed ulteriurs festivals da film che vegnan organisads ensemen cun scolas chantunalas primaras e secundaras



Pli pratic e pli interessant: ina classa sin visita tar RTS

Funtauna: ©RTS/Anne Kearney

Or da la concessiun dal Cussegl federal a la SSR 2007:

- La furmaziun dal public è part da l'incumbensa audiovisuala da la SSR, quai che resulta era dad artitelg 2 da la concessiun. La SSR ademplescha questa incumbensa cun emetter regularmain emissiuns cun cuntegn instructiv.

Art. 2 Incumbensa dal program

- ⁴ La SSR contribuescha:
 - a) a la furmaziun da l'opiniun libra dal public cun infurmaziuns cumplexsivas, multifaras e correctas cunzunt davart connexs politics, economics e socials ed
 - c) a la furmaziun dal public, surtut cun emetter regularmain emissiuns cun cuntegns instructivs.



Funtauna: ©RSI/Loreta Daulte